



Visoki predstavnik Inzko sastao se sa sucem Carmelom Agiusom

Visoki predstavnik Valentin Inzko nazočio je međunarodnoj konferenciji “Stop negiranju genocida i holokausta,” koja je danas održana u Sarajevu. Nakon konferencije, on se sastao sa predsjednikom Međunarodnog rezidualnog mehanizma za krivične sudove (International Residual Mechanism for Criminal Tribunals - IRMCT), sucem Carmelom Agiusom.

Na sastanku je visoki predstavnik rekao da „mnogi u BiH i dalje promoviraju revizionističke narative o ratnim zločinima i omalovažavaju genocid počinjen u Srebrenici, iako su ga potvrdila dva međunarodna suda. U tom kontekstu posebno razočarava imenovanje komisija u Republici Srpskoj sa ciljem ponovnog interpretiranja događaja u Srebrenici i Sarajevu od 1992. do 1995.“

„Žalosno je da se, više od dva desetljeća nakon završetka rata, najviši politički dužnosnici još uvijek nisu suočili s prošlošću i da još uvijek osporavaju odluke Međunarodnog krivičnog suda za bivšu Jugoslaviju – koji je osnovalo Vijeće sigurnosti Ujedinjenih nacija, dakle najviši organ – odnosno Međunarodnog rezidualnog mehanizma i domaćih sudova. Takvi stavovi velika su prepreka nastojanjima da se postigne trajno pomirenje i upravo zato međunarodna zajednica treba nastaviti davati potporu inicijativama i aktivnostima koje rade na procesima pomirenja u BiH,“ rekao je visoki predstavnik.

Visoki predstavnik također je informirao sudiju Agiusa da je Skupština općine Srebrenica velikom većinom usvojila odluku da se u Srebrenici izgradi spomenik miru, kao znak njihova opredjeljenja za mir i bolju budućnost u Srebrenici.